



ქალაქ თბილისის მუნიციპალიტეტის საკრებულო



დადგენილება № 2-1

„ 15 „ ნოემბერი – 2017 წ

ქ. თბილისი

„ქ.თბილისის მუნიციპალიტეტის საკრებულოს რეგლამენტის დამტკიცების შესახებ“ ქალაქ თბილისის მუნიციპალიტეტის საკრებულოს 2014 წლის 19 ივლისის №2-1 დადგენილებაში ცვლილების შეტანის შესახებ

„ნორმატიული აქტების შესახებ“ საქართველოს კანონის მე-20 მუხლის მე-4 პუნქტის შესაბამისად, ქალაქ თბილისის მუნიციპალიტეტის საკრებულო ადგენს:

მუხლი 1. „ქ. თბილისის მუნიციპალიტეტის საკრებულოს რეგლამენტის დამტკიცების შესახებ“ ქალაქ თბილისის მუნიციპალიტეტის საკრებულოს 2014 წლის 19 ივლისის №2-1 დადგენილების პირველი პუნქტით დამტკიცებულ „ქალაქ თბილისის მუნიციპალიტეტის საკრებულოს რეგლამენტში“ (ვებგვერდი, 19/07/2014; სარეგისტრაციო კოდი 010250040.35.101.016001) შეტანილ იქნეს შემდეგი ცვლილება:

1. 35-ე მუხლის მე-2 პუნქტი ჩამოყალიბდეს შემდეგი რედაქციით:

„2) ფრაქციის თავმჯდომარეს შეიძლება ჰყავდეს მოადგილე(ები).“

მუხლი 2. დადგენილება ამოქმედდეს გამოქვეყნებისთანავე.

საკრებულოს თავმჯდომარე

გიორგი ტყემალაძე

გ ა ნ მ ა რ ტ ე ბ ი თ ი ბ ა რ ა თ ი

„ქ.თბილისის მუნიციპალიტეტის საკრებულოს რეგლამენტის დამტკიცების შესახებ“
ქალაქ თბილისის მუნიციპალიტეტის საკრებულოს 2014 წლის 19 ივლისის №2-1
დადგენილებაში ცვლილების შეტანის შესახებ

ა) ქალაქ თბილისის მუნიციპალიტეტის საკრებულოს დადგენილების
პროექტის (შემდგომში - პროექტის) მიღების (გამოცემის) მიზეზი/პროექტის
დამახასიათებელი ძირითადი ნიშნები:

„ქ.თბილისის მუნიციპალიტეტის საკრებულოს რეგლამენტის დამტკიცების შესახებ“
ქალაქ თბილისის მუნიციპალიტეტის საკრებულოს 2014 წლის 19 ივლისის №2-1
დადგენილებაში ცვლილების შეტანის შესახებ“ ქალაქ თბილისის მუნიციპალიტეტის
საკრებულოს დადგენილების პროექტის მიზანია ახლებურად ჩამოყალიბდეს
დადგენილების 35-ე მუხლის მე-2 პუნქტი, რომლის თანახმადაც, ფრაქციის
თავმჯდომარის მოადგილე(ებ)ის თანამდებობა გაიწერება ზოგადად, რადგან არ
მოხდეს შეზღუდვა და ფრაქციამ თვითონ განსაზღვროს მოადგილე(ებ)ის რაოდენობა
საჭიროების მიხედვით.

ბ) პროექტის საფინანსო-ეკონომიკური გაანგარიშება:

პროექტის მიღება არ გამოიწვევს აუცილებელი (დამატებითი) ხარჯების
გამოყოფას ქალაქ თბილისის მუნიციპალიტეტის ბიუჯეტიდან.

გ) პროექტის ავტორი (ავტორები):

ქ. თბილისის მუნიციპალიტეტის საკრებულოს აპარატი

დ) პროექტის წარმდგენი:

პროექტის წარმდგენია ქალაქ თბილისის მუნიციპალიტეტის საკრებულოს
თავმჯდომარე გიორგი ტყემალაძე.